



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



891.99.09

U-39

WINDMILL PAPER
MADE IN ENGLAND
E. O. THOMAS & SONS
DARTFORD, ENGLAND

THE UNIVERSITY OF CHICAGO

891.99.09

13 APR 2011

4-39

ար

№: 9245

ԱԿՆԱՐԿ ՅԻՆ ՀԱՅ

ԲԱՆԱՀԻԻՍՈՒԹԵԱՆ

Հ.Ո.

ՎՐԱ



Ա. Տ.-Պ.

1002
7369



Ա. ՊԵՏԵՐՔՈՒՐԳ
«ՊԻՇԿԻՆԵԱՆ ՏՊԱՐԱՆ»
1904.

1903 894 01

Доз. цензурою. С.-Петербургъ, 18-го Апрѣля 1904 года.

«Пушкинская Скоропечатня», Лештуковъ, 4.

Մասնագիտական բաղմաթիւ և մեծարձէք ուսումնասիրութիւններն՝ այս նիւթին վերաբերեալ, մեր միջակ ընթերցող դասակարգին օտար ու անմատչելի են մնում:

Մի հարեանցի ակնարկ ձգել հայոց հին բանահիւսութեան վրա, նրա ճաշակը տալ և ընթերցողին հետաքրքրել մեծ գրականութեանը դիմելու, — ահա այն համեստ առաջադրութիւնը, որ դրդեց մեզ կազմել ու հրատարակ հանել այս հակիրճ գրածքը: Լաւագոյն և կատարեալ գործ անելու ասպարէզը դարձեալ մնում է աւելի ձեռնհաս անձանց:



Տարակոյս չկա որ հին հայաստանում բանաւոր
զրականութեան մի մեծ դանձ է գոյութիւն ունե-
ցել, որի լոկ յիշատակութիւնն է մեզ հասել:

Հայր հին դարերում ժամանակակից քաղաքա-
կիրթ ժողովուրդների հետ շփելով և ինքն էլ որոշ
աստիճանի բարձր քաղաքակրթութիւն ունենալով՝
անհնար է երևակայել որ զուրկ լինէր զրականու-
թիւնից: Մարդկութեան պատմութեան մէջ որոշ
դեր կատարելով՝ նա կ'ունենար անշուշտ և իր
պատմութիւնը, կ'երգէր իր քաջերին, կը նկարագ-
րէր իրեն շրջապատող բնութիւնը:

Ամեն ազգի պատմութիւնը սկսում է բանահիւ-
սութեամբ. ամենահին զրականութիւնը սկսում է
երգերով: Այդպէս է նաև հայոց զրականութիւնը՝
դատելով մեր ձեռքը հասած չնչին մնացորդներից:

Յունաց բանաստեղծների հայրը, ասուածացրած
Մուղէսը, իր երգով և քնարի թովիչ զօրութեամբ
դիւթում էր ոչ միայն մարդկանց, այլև անկենդան
բնութիւնը պարելու էր հրապուրում և գաղաննե-
րին անզամ սանձահարում: Խօսքերին ընկերացող
երաժշտութիւնը կրկնապատկում է արտայայտելի

զգացմունքի թափն և ուժը: Այդտեղից և քնարե-
րդական բանաստեղծութիւն (լիրիկա)
անունը,—բանաստեղծութեան առաջին տեսակը որ
յատուկ է ամեն ազգի և ամեն մարդու. մարդ կա-
րիք է զգում իր սրտի ազմկայոյզ խորքերում ան-
ցած դարձածին, զգացմունքին, երեակայութեան
ուժով կերպարանք տալու, խօսքի միջոցով ուրիշ-
ներին էլ հաղորդակից անելու իր ներքին աշխար-
հին:

Այդպիսով էլ սկիզբն է առնում բանահիւսու-
թիւնը, մարդկային մտքի և հոգու ամենազնիւ ար-
տադրութիւնը, որ հաղորդում է ուրիշներին կեն-
դանի խօսքի կամ գրի միջոցով:

Նախնի հայերն էլ ունեցել են քնարերգական բա-
նաստեղծութիւն. նրա մի զլխաւոր տեսակը կոչւել
է նուագ,—որեւէ երաժշտական գործիքի ընկե-
րակցութեամբ հարսանիքի, խնջոյքի և ուրիշ ու-
րախութիւնների ժամանակ, մանաւանդ իշխանների
և թագաւորների սեղանները զարդարելու համար,
ուրախութիւն արտայայտող երգերը:

Հին ազգերի մէջ աստեղծների պաշտաման և զո-
հաբերութեան հետ ընդհանրապէս անբաժան էր եր-
գելով պարելը: Հայոց պարերի մի քանի տեսակ-
ներն են յիշում միայն մեր մատենագիրները. օր-
կաքաւք, կայթք, վաղք, պար և պարան-
ցիկք, որոնց համապատասխան երգեր էլ են եղել
անշուշտ: Յիշում են նոյնպէս տրամութեան եր-
գեր, ինչպէս՝ գեղօնք, մրմունջք, ողբ, եղերգ,
որոնցմով արտայայտում էին սիրելիների և մեր-

ծաւորների մահւամբ առաջացած տխուր զգաց-
մունքները: Նախնի հայերի սովորութեան համա-
ծայն մահւան դէպքում, մանաւանդ իշխանների
յուզարկաւորութեան ժամանակ ի միջի ուրիշ զա-
նազան ծիսակատարութիւնների, մեռելի գործերը
ողբ ու կոծով, յաճախ երաժշտական գործիքի նը-
ւադակցութեամբ երգում էր մէկը,—մայր սգոյ,
և նրան ծայնակցում էին սգուրները,—դստերք
սգոյ: Հալկան կանանց մեռելին յուղարկուո-
րելու սովորութիւն մինչև այժմ էլ հայաստանում
շատ տեղ մնացել է:

Հայերն ունեցել են նաև գուսաններ անու-
նով՝ հաւանօրէն կին երգիչներ, որ երգելով ներ-
կայացրել են դիւցազունների, քաջերի գործերը:
Յուցք են կոչւել մի տեսակ ժողովրդական ներ-
կայացումներ՝ իրենց սկզբնական զրութեան մէջ,
բարեկենդանի և ուրիշ տօների առթիւ մեր այժ-
մեան ժողովրդական ներկայացումներին նման: Իս-
կական թատրոնական ներկայացումը՝ դրաման, իբ-
րև արգասիք մի ժողովրդի աւելի բարձր կուլտու-
րական կեանքի, մեղանում զարգացած չի եղել:
Յոյն պատմագիրները միայն Տիգրան Բ.ի համար
յիշում են, թէ նրա պալատում յունարէն լեզուով
ներկայացումներ էին տրուում, և թէ նոյնիսկ նրա
Արտաւազդ որդին ողբերգութիւններ է գրել, յու-
նարէն:

Ուրիշ երկրների նման հայաստանում էլ նախա-
բրիտանական ժամանակներում քրմական դասա-

կարգն է եղել իմաստութեան ներկայացուցիչը. նա ունեցել է իր «մեհենական մատեանները», «մեհենական պատմութիւնները», ուր անշուշտ զրի էին առնւած հոգեւոր երգերը, որոնց հետքն այժմ ամբողջովին կորել է:

Աշխարհիկ բանաստեղծութիւնը ոչ պակաս հարուստ է եղել: Մ. Խորենացին իր «Հայոց պատմութեան» մէջ չիշատակում և պատմութեան հաւաստի լինելուն վկա է կանչում «թագաւորների մատեաններ», արքունի դիւաններում պահւած զուսանական երգերից «անբաւ զրոյցների ժողովածուներ», «վիպասներ, թուելեաց երգեր, երգարաններ, առասպելներ, զրոյցներ» և այլն: Մեր ազգի հնագոյն պատմութիւնը կազմողը դրանցից օգտւել է առաւել կամ նւազ չափով: Խորենացու Պատմութեան մէջ երբեմն, զրեթէ բառացի, առաջ են բերւած կտորներ, որոնք բացայայտօրէն ժողովրդական բանահիւսութեան զրոյմն են կրում իրենց վրա: Պարզ է սակայն, որ քրիստոնեա մատենագրի ձեռքի տակովն անցնելով, այդ նիւթերը տարբեր աշխարհայեացքի ազդեցութիւնը կը կրէին շատ տեղ. նրանց չափաբերական ձեւն էլ, որ պէտք է ենթադրել թէ ունեցել են, յաճախ կորել է: Բայց և այնպէս ինչինչ կտորներ համարեա թէ իրենց անխարդախ իսկութեամբ հասել են մեզ իբրև թանգազին ժառանգութիւն, սրբազան աւանդ:

Այդ երգերն ու առասպելները պտտում են մեր ազգի ծագումից սկսած մինչև մեր թւականութեան Բ. դարն եղած անձնաւորութիւնների և պատա-

հարների շուրջը. մի մի դիւցազներդութիւններ, առանց մի շարունակական ամբողջութիւն կազմելու:

Պատմութիւնն սկսում է ազգերի ծագումը շաղկապելով դիւցազունների հետ, որոնք աստուածների զարմից էին ու պաշտելի: Նրանց հետ նաև մեր նահապետների և ազգի ծագումը.

Ահեղ ու երևելի էին առաջին աստուածները. աշխարհին մեծ բարիքների պատճառ եղան, նաև աշխարհի և բազմամարդութեան սկիզբը: Ու նրանցից ծնան անհեթեթ, չաղթանդամ մարմնով և վիթխարի հսկանիւր, որոնք ամբարտաւանութեամբ չղացան աշտարակաշինութեան ամբարիշտ միտքը, և այն իրազօրծելու ձեռնարկեցին: Բայց աստուածների բարկութիւնից բարձրացած սաստիկ ու հիւսիսը քամին փչելով՝ փուլ եկաւ աշտարակը. և մարդկանցից ամեն մէկին չլսած լեզուներ տրւեց և նրանք այժմուկ ու շփոթի մէջ ընկան:

Այդ հսկաներից մէկն է յայտնոստեան Հայկը, անւանի ու դիւցազուն նահապետ, քաջ նետածիզ ու աղեղնաւոր...

Այս Հայկը գեղեցիկ ու վայելուչ մարմին ունէր, քաջազանգուր, խաչտակն ու հաստաբազուկ. հսկաների մէջ քաջ էր ու երևելի: Նա ընդդիմացաւ ամենքին, որոնք հսկաներին ու դիւցազուններին իշխել էին կամենում...

«Բազդն աչողում է Բէլին նւածել ու տիրել ողջ երկիրը: Սակայն Հայկը չի կամենում հնազանդել

Բէլին... նա հեռանում ու բնակւում է մի լեռան ստորոտում, դաշտավայր տեղ»։ Բէլը պատգամաւորի բերանով ասում է չայկին.

Դու բնակեցիր սառնամանեաց ցրտութեան մէջ. ջերմացրու, մեղմացրու քո սառած ու հպարտ բարքիդ ցրտութիւնը և հնազանդելով ինձ՝ եկ հանգիստ ապրիր իմ երկրում, ուր որ քեզ հաճելի լինի բնակութեան համար։
Չայկը մերժում է. ու սկսում է կռիւր։ Չայկին լուր են բերում ու ասում.

Իմացիր, ով դիւցազուններից մեծդ, որ Բէլը յաւերժական քաջերով, երկայնահասակ ու ռազմիկ հսկաներով գալիս է քո վրա։

Աղեղնաւոր Չայկն այդ իմանալով, առաջ անցաւ, հասաւ արքայի մօտ, պինդ քաշեց լայնալիճ աղեղը, նրա կրծքի զրահին կայքրեց երեքթևեան նետը և սլաքը՝ ծակելով անցնելով Բէլի թիկունքը, ընկաւ զետին։ Ու այսպէս հպարտացած տիտանեան Բէլը կործանւում ընկնում է զետին ու հողին տալիս։

Չայկի յաջորդներից նշանաւոր է հանդիսանում Արամ նահապետը.

Արամը աշխատասէր և հայրենասէր մարդ լինելով, լաւ էր համարում մեռնել հայրենիքի համար, քան տեսնել թէ ի՛նչպէս օտարազգիների որդիները ոտքի տակ էին տալիս հայրենի սահմանները և իր արենակից ազգայիններին իշխում էին այլազգի մարդիկ։

Խորենացի, գիրք Ա. գլուխ Թ. Ժ. ԺԱ. ԺԳ.

Արամ իր հպարտ և պատերազմասէր, հսկաների սերունդից, տխրան, ասպատակ լեռնական թշնամիների վրա յարձակեց և

յանկարծ, արեգակի ծագելուց առաջ սատակեցրեց նրանց ամբոխի բազմութիւնը։

Եւ ուրիշ շատ քաջութիւններ արաց։ Երկիրը խաղաղացրեց, շէնացրեց ու բարեկարգութիւններ մտցրեց. հպատակներին էլ սորորեցրեց հայերէն խօսել։

Արամի որդի և յաջորդ Արայի օրով չայաստանն ընկնում է Ասորեստանի իշխանութեան տակ։ Շամիրամ թագուհին «երգերից լսած լինելով» նրա դեղեցկութեան համբաւը, կամենում է նրա սիրտը դրաւել. խոստանում է նրան նւիրել իր անձը, ամբողջ Ասորեստանի փառքն ու գահը։ Սակայն Արան չի շլանում զրանցով, և հայրենիքի անկախութիւնն ու բնտանեական սրբութիւնը պաշտպանելով՝ պատերազմում է և կռւի մէջ մեռնում։

Չայ ժողովրդի զայրոյթը մեղմացնելու և վրէժխնդրութեան ու կռւի տեղիք չը տալու համար, Շամիրամի հրամանով, Արայի դիակը կռւի դաշտում ընկածներից շոկում և Յարլէզ աստուածների առաջն են դնում, որ լզելով կենդանացնեն նրան։ Եւ հայր հաւատում է Արայի կենդանանալուն։ Մեր պատմութեան մէջ ուրիշ այդպիսի օրինակներ էլ ունենք, թէ քաջ անմնաւորութիւնը չի մեռնում, թէ աստուածները կարող են նրան կենդանացնել, մանաւանդ նրան՝ որ հայրենիքի համար է ընկել։
Չայկի, Արամի և Արայի պատմութիւնը մեզ չի-

շեցնում է Հայաստանի և Ասորեստանի յարաբե-
րութիւնն այն հին դարերում: Բայց մեր ուշա-
դրութիւնը զրաւողն աւելի այն հանգամանքն է, որ
հայ ժողովուրդը այդ անձնաւորութիւնների, այդ
հսկանքի միջոցով մարմնացում է տւել իր զգաց-
մունքին, հաւատքին, իր իդէալներին: Հայկը՝ թըշ-
նամու ահագին զօրութեան հետ համեմատած իր
փոքրաթիւ քաջերով, դիմադրում է բռնաւորին:
Արամը վրդովւում է իր ազգակիցներին օտարի լծի
տակ ճնշած տեսնելով և չի հանդուրժում այդ
անարգանքին: Արան իր հայրենեաց համար կուելն
ու մեռնելը գերադասում է գեղեցկունի թագունու
զգւանքից, նրա ամբողջ զօրութիւնից և Ասորես-
տանի արքայական գահից: Հայ ժողովրդի այս հե-
րօսները միեւնոյն ժամանակ շինարար, ժողովրդի
բարիքին հոգ տանող խնամատար հայրեր են:

Ինքը՝ Շամիրամ թագունին էլ զանազան զրոյց-
ներ հիւսելու նիւթ է դարձել: Նրա մասին պատ-
մութեան աւանդածն՝ ինչպէս շեշտում է Խորենա-
ցին, «մեր աշխարհում եղած առասպելները հա-
ւաստիացնում են: Ասում են թէ Հայաստանումն է
տեղի ունեցել Շամիրամի մահը. թէ նա ոտքով
փախել է. թէ շատ ծարաւել և ջուր է ցանկացել
ու խմել է. թէ զինւած մարդիկ վրա են հասել և
յուռութները ծովը ձգել. որից և այս խօսքերը—
ուլունք Շամիրամայ ի ծով... և թէ՛ Շամիրամ
Նիոբէից առաջ քար դարձաւ»: Խոր. Ա. ԺԸ.

Հայ ազգային երգերի և վէպի նիւթ է դառնում

հայկազուն թագաւորներից Երւանդեան Տիգրանը,
«որովհետեւ սա մեր բոլոր թագաւորներիցն էլ ա-
ւելի հղօր ու խոհեմ էր, և ամենից էլ քաջ... բոլոր
իր ժամանակակիցներին նախանձելի էր ու յետնորդ-
ներիս ցանկալի, ինքն ու իր ժամանակը»:

Քաջերի դուխն անցնելով ու քաջութիւն
անելով, մեր ազգը բարձրացրեց: Եւ մեզ՝ լծի
տակ եղածներիս, շատերի վրա լծադիր և հար-
կապահանջ դարձրեց: Շատացրեց մթերքը ոս-
կու և արծաթի, և թանգազին քարերի և
զանազանազոյն կիտւածներով զգեստների՝ թէ
տղամարդկանց և թէ կանանց. որով տգեղ-
ները գեղեցիկ ու սքանչելի էին երևում, իսկ
գեղեցիկներն առհասարակ զիւցազնանում...
խաղաղարար ու շինարար Տիգրանը ամենքին
իւզով ու մեղրով էր կերակրում:

Այս և այսպիսի շատ բան բերեց մեր աշ-
խարհին այն շէկ ու գանդրահեր Երւանդեան
Տիգրանը, կարմիր երեսով, անուշ աչքերով,
խոշոր ու թիկնաւէտ, առօր ծնկներով ու
գեղեցկոտն, կերակուրների և ըմպելիքի մէջ
չափաւոր և ուրախութեանց մէջ օրինաւոր:
Արա մասին ասում էին մեր նախնիները, բամբ-
ուի վրա երգելով, թէ մարմնական ցանկու-
թիւնների մէջ ևս չափաւոր էր, և մեծիմաստ,
և հարտարախօս, և ամեն գործի մէջ պիտա-
նի էր մարդկութեան...

Տիգրանին ժամանակակից էր մարաց թագաւոր
Ափսահակ և նորա թոռը Կիւրոս, որ յետո Պարս-

կաստանի գահր բարձրացաւ: Կիւրոսը բարեկամա-
նում է Տիգրանի հետ և այս բարեկամութիւնից
շատ մեծ վտանգ է զուշակում Ա.ժգահակը և շա-
րունակ մտատանջութեան մէջ է լինում: Եւ նա
մի երազ է տեսնում ու պատմում իր երեւելիներին.

Այսօր, սիրելիներս, իբր թէ ես մի անժա-
նօթ երկրի մէջ էի, զետնից շատ բարձր մի
սարի մօտ, որի գագաթը սաստիկ սառնամա-
նիքով պատած էր երևում. ասում էին որ իբ-
րև թէ հաչկազուներն երկրումն էր այդ:
Մինչդեռ ես երկար նայում էի սարին, մի
ժիրանազգեստ կին, երկնագոյն քօղ վրան քա-
շած, խոշոր աչքերով, բարձրահասակ և կար-
միր այտերով կին, երևում էր որ նստել է այն
բարձրութեան վրա, երկունքի ցաւով բռնւած:
Եւ երբ երկար ժամանակ հիացած նայում էի
այս երևութիւն, այն կինը յանկարծ երեք զիւ-
ցազուներ ծնեց, հասակով ու բնութեամբ
կատարեալ: Առաջինն առիւծի վրա նստած՝
սլացաւ դէպի արեւմուտք. երկրորդն ինծի
վրա նստած՝ շուռ եկաւ դէպի հիւսիս. իսկ
երրորդն ահազին վիշապը սանձելով՝ խրոխտա-
բար յարձակւեց մեր տէրութեան վրա:

Եւ այդպիսի խառն երազների մէջ ինձ
թւում էր, թէ իմ արքունեաց տանիքի վրա
կանգնած եմ և տեսնում էի որ բնակարաննե-
րիս կտուրները զեղեցիկ և զոյնզոյն շատրը-
ւաններով զարդարւած էր. և մեզ պսակող
աստլաճները կանգնած էին այնտեղ հրաշալի

տեսքով. իսկ ես ձեզ հետ միասին զոհերով ու
խուճկով պատում էի նրանց: Եւ յանկարծ վեր
նայելով տեսա, որ այն վիշապի վրա հեծնողն,
արծւի պէս թռչելով եկաւ, յարձակում գոր-
ծեց. մօտեցաւ ու կամենում էր աստլաճներին
կործանի: Բայց ես, Ա.ժգահակս, արգելք հան-
դիսացաւ ու ինձ վրա ընդունեցի այն յարձա-
կումը, այն սքանչելի զիւցազնի հետ մենա-
մարտեցի: Նախ նիզակներով իրար մարմինը
վիրաւորեցինք, արեան առուններ էին հոսում,
և պալատիս արեանման երեսը դարձրինք հո-
սած արեան ծով: Այսպէս դեռ շարունակեցինք
կռւել երկար ժամանակ ուրիշ զէնքերով:

Բայց ինչ օգուտ որ երկարացնեմ պատմու-
թիւնս. որովհետեւ գործը վերջացաւ իմ պար-
տութեամբ. ուստի և մեծ վտանգից քրտնա-
թոր՝ քունը փախաւ աչքերիցս, ու այսուհե-
տե թւում է թէ կենդանի չեմ: Որովհետեւ
այդ տեսիլքը նշանակում է միայն, թէ հայ-
կազունի Տիգրանը մեզ վրա բուռն յարձակում
է գործելու:

Խոր. Ա. ԻԶ.

Այս մարգարէական երազն իր վիպական բարձր
ոճովը, սիմբոլական զունաւորումներովը և եղի-
րական վախճանովն իրաւամբ սքանչանք է պատ-
ճառում և հայոց հնազոյն բանահիւսութեան ամե-
նագեղեցիկ նմուշներից մէկն է:

Ա.ժգահակը նենգամիտ խորհուրդներով ուզում է
երազն իրականանալու առաջն առնել: Տիգրանի
քրոջ՝ Տիգրանուհուն կնութեան է ուզում և բա-

րեկամ ձեանալով՝ Տիգրանին խնճոցքի է հրաւիրում սահմանի վրա, որ յանկարծ յարձակւի ու սպանէ: Սակայն Տիգրանուհին նախօրօք զաղտնի կերպով զգուշացնում է եղբորը: Երկու ազգերի մէջ ծագում է պատերազմ, որի վախճանն երկար ժամանակ անորոշ էր մնում:

Բայց գովում եմ իմ քաջահասակին և նիզակաւորին, որ բոլորովին համաչափ զարգացած անդամներ ունէր, և մարմնի աւարտուն գեղեցկութիւն, որովհետև ամեն բանի մէջ առօջ էր և ուժի կողմից իրեն զօյգ չուներ: Եւ ինչ երկարացնեմ խօսքս. երբ կռիւն ըսկսեց, նա իր նիզակը զարնում է երկաթէ ամուր զգեստի մէջ, ինչպէս որ ջուր պատառէր և Աժդահակին շամփրում է նիզակի լայն ծայրին: Եւ երբ միւսանգամ ձեռքը քաշում է՝ նրա թօքերի կէս մասը նիզակի հետ դուրս է բերում: Բայց կռիւն սքանչելի էր. որովհետև քաջը քաջին պատահելով՝ շուտով իրարից երեսները չէին զարձնում, ուստի կռիւն երկար ժամանակ տևեց: Եւ Աժդահակի մահը վերջ տւեց գործին: Խոր. Ա. ԻԹ.

Տիգրանն Աժդահակի սերունդից շատերին, նրա Սնոյշ կնոջ հետ և բազմաթիւ զերիներով տարաւ բնակեցրեց Հայաստան, Մեծ սարի (Մասիսի) մօտերքում: Նրանից առաջացաւ վիշապազունների զարմը, ոստանիկ կամ արքայական ցեղ: Այս վիշապները կամ վիշապազունները հայ առասպելաբանութեան և վիպասանական երգերին առատ նիւթ

են մատակարարել. մասնաւորապէս Գողթն զինեւէտ գաւառի երգիչներին, որոնց երգածից մի քանի տողեր բառացի աւանդել է մեզ Խորենացին: Այսպէս, Տիգրանի պատմութեանը կից մէջ է բերում Գողթան երգիչների ասածը.

Ճաշ գործեալ Արգաւանայ
Ի պատիւ Արտաշեսի,
Խարդաւանակ լեալ նմին
Ի տանարին Վիշապաց:

Արգաւանը ի պատիւ Արտաշէսի ճաշկերոյթ տալով, վիշապների պալատում դաւադրում է նրան:

Այս երգի Արտաշէսն, ըստ Խորենացու պատմութեան, ապրում էր մեր թւականութեան Ա. դարի վերջերին. Արգաւանը կամ Արգամը նոյն թագաւորին ժամանակակից է և վիշապազունների իշխանն էր: Վերոյիշեալ երգը աչքի ընկնող նմանութիւն ունի Տիգրանի ու Աժդահակի յարաբերութեան աւանդութեան հետ:

Արտաշէսի կինն էր ալանաց օրիորդ Սաթենիկը, և միւսնոյն երգին կից ասում էին Գողթան երգիչները.

Տենչայ Սաթինիկ տիկին տենչանս զարտախուր խաւարտ և զտից խաւարժի ի բարձիցն Արգաւանայ: Այստեղ մի քանի բառերն այժմ անձանօթ լինելով, ամբողջովին հասկանալի չէ: ¹ Միայն Խորեն

¹ Խ աւ ա ռ ծ ի են կոչում այժմ Ղարաբաղում մի տեսակ խոտ, որ մարդու բարձի տակն են դնում, նրան սիրահարեցնելու համար:



նացին մի ուրիշ տեղ էլ ասում է թէ Սաթենիկը
տուփական սէր էր տածում դէպի վիշապազուն-
ները, նրանց նահապետ Արգաւանը կամ Արգամը:

Եւ դարձեալ նոյն տեղ շարայարում էին թէ,
Արտաւազդայ ոչ գտեալ

[Քաջի որդւոյն Արտաշիսի,]

Տեղի ապարանից,

[Ի հիմնանալն Արտաշատու]

Նա անց, դնաց և շինեաց

Ի մէջ Մարաց զՄարակերտ.

Ի դաշտին որ անուանեալ կոչի Շարուբայ:

Արտաշատի հիմնանալու, բազմամարդ դառնալու
պատճառով Արտաշէսի քաջ որդին Արտաւազդը
իրեն ապարանքի շինութեան համար տեղ չը գտաւ
ու անցաւ գնաց մարաց մէջ Մարակերտ ապար-
անքը շինեց, Շարուբա կոչւած դաշտի մէջ:

Արտաւազդի համար ժողովրդական երգերն ու
առասպելները ուրիշ շատ բան են ասում, թէ

Վիշապազունները գողացան մանուկ Արտաւազ-
դին և նրա փոխարէն մի դե գրին.

Թէ—Տնւելու ժամանակ մի ինչոր պատահարի
է հանդիպել—չարոց է կպել.

Եւ թէ—կարծում են որ Աժդահակի ցեղի կա-
նայքը կախարդել են նրան:

Պատմութիւնը չիշատակում է թէ «երբ Արտա-
շէսի որդի Արտաւազդը չափահաս դարձաւ, քաջ,
ինքնահաւան ու հպարտ մէկն եղաւ: Նախանձելով
ձերուների Արգամին, իր հօրը զրդուց նրա դէմ, իբր
թէ նա մտածում է ամենքի վրա թապաւորել: Այս-

պէս Արգամին պատուից ձգելով՝ ինքն ստացաւ
երկրորդական տեղը». տիրացաւ Արգամի երկրնե-
րին, ինչպէս նաև վիշապազունների յատկութեանը:

Երբ իր հօր՝ Արտաշէսի թաղման ժամանակ հին
հայկական սովորութեան համաձայն բազմաթիւ
կամաւոր մահեր են տեղի ունենում, բողոքում է
Արտաւազդը և հօրն ասում է. «դու գնացիր և բո-
լոր երկիրը քեզ հետ տարար, ես աւերակներին ի՞նչ-
պէս թաղաւորեմ»: Այդ ժամանակ Արտաշէսն անի-
ծում է որդուն.

Եթէ դու յորս հեծցիս

Յազատ ի վեր ի Մասիս,

Զքեզ կալցեն քաջք,

Տարցեն յԱզատ ի վեր ի Մասիս.

Անդ կացցես

Եւ զլոյս մի տեսցես:

Եթէ դու որսի երթաս Ազատ Մասիսի վրա,
քաջքերը թող բռնեն քեզ, թող տանեն Ազատ Մա-
սիսը. այնտեղ կենաս և լոյս չը տեսնես:

Մահամերձ հօր անեծքը բռնում է որդուն և
Արտաւազդն իսկապէս կաշկանդում է քաջքերից
և բանտարկում է Մասիսում, մի այրի մէջ:

Արտաւազդի եղբայր Զարեհն էլ կովկասեան ազ-
գերի ձեռքն է ընկնում և բանտարկում. սակայն
եղբայրներն ազատում են նրան: Միւս եղբայր Մա-
ժանի համար չիշուում է, թէ նա կուեց Մուրացան
ցեղի՝ նոյն Վիշապազունների, դէմ և թէ վերջն
իր եղբայրներից սպանեց ու թաղւեց Բազաւա-
նում, աստուածների պաշտաման տեղում, որով-

հեռւ նա քրմապետ էր, ասում է Խորենացին: Միւս եղբայր և Արտաւազդի յաջորդ Տիրանի մասին չիշատակում է միայն, թէ «նա երկու ծի է ունեցել, Պեգասոսից աւելի թեթև և անչափ արագընթաց, որոնք ոչ թէ երկրադնաց, այլ օդադնաց էին համարում»: Արտաշէսի որդիների մէջ դերերը բաժան բաժան են եղել և մէկից միւսին անցել է շատ բան, որը զտել դժուար է:

Ժողովրդական երգի և վէպի հեղինակն անչափ է մնում. ժողովրդի մաքրի ու կեանքի վրա խոր տպաւորութիւն թողնող և կարևոր նշանակութիւն ունեցող պատմական մեծ իրողութիւնները նիւթ են դառնում ժողովրդական երգերի և աւանդութիւնների: Սրանք ժամանակի ընթացքում զանազան արտաքին ազդեցութիւնների տակ միախառնւում, ի մի են ձուլւում, յաճախ ներքին փոփոխութիւնների ենթարկւելով: Այսպիսով ժողովրդական բանաստեղծութեան հեղինակ են դառնում ամբողջ սերունդներ, որ դէպքում բնականաբար նման դէպքերը և նույնանուն անձնաւորութիւնները զուգորդւում են, խտանում մի շօշափման կէտում ու մի ամբողջութիւն կազմում: Իրանից էլ առաջ է գալիս դէպքերի և անունների անժամանակ և ոչ-տեղին լիշատակութիւնը, անաքրոնիս:

Տիգրան Ա.ի նկարագրութիւնն՝ այնքան կենդանի և վառվռուն, որ չիշեցնում է հոմերական հերոսներին, կարծես անմիջապէս բնութիւնից վերցրած լինի. և իրօք:

Բացի ազգային աւանդութիւնից, որ պահպանւել է առասպելի ու երգի մէջ, Գսենոփոն յոյն պատմագիրն էլ չիշում է Տիգրան անունով մի հայ իշխանի, ժամանակակից Կիւրոսին՝ որ մարաց Աստիադէս (Աժդահակ) թագաւորի թոռն էր: Եւ եթէ մի յոյնի յայտնի էր այդ իրողութիւնը, օտարոտի չպիտի թւի, որ միևնույնը աւելի լաւ ծանօթ լինի ազգային աւանդութեան և նրա արարքները առասպելական դոյն ստանան ժողովրդական երգիչների բերանում ու նա համարւի մի գիւցազն:

Սակայն մեզ ծանօթ երգի պատմական անձնաւորութիւնը համապատասխանում է Տիգրան Բ.ին, Գրիստոսից առաջ Ա. դարում:

Նին հայ Արշակունի իշխանները աշխարհակալութիւններով հետդիտէ ընդարձակում են իրենց երկրի սահմանները: Երկրորդ դարի վերջերին պարթեւները հայոց առաջախաղացութեան արգելք են հանդիսանում և Արտաւազդ թագաւորին յաղթելով՝ նրա Տիգրան որդուն էլ գերի են վերցնում: Հայաստանը ընկճւում, ճնշւում է, թէպէտև ոչ բոլորովին նւաճւում: Տիգրանն իր հօր մահից յետո՛ հայաստանի բազմաթիւ զաւառներ պարթեւներին տալով՝ յաջողում է գերութիւնից ազատւել և «քաջերի գլուխն անցնելով ու քաջութիւն անելով», կորցրած երկիրները դարձեալ ձեռք բերել:

Տիգրանը դառնում է առաջաւոր Ասիայի ամենազօրաւոր թագաւորը, շրջակա ազգերը ստիպւած են հպատակւել, հարկ վճարել ու դաշնակից դառնալ այս «արքայից արքային»: Հռոմէական

լեզէոնները դողում են նրա առաջ և իրքան չա-
նախ խորտակւում են Տիգրանի կէս միլիոնի չափ
բանակի զօրութիւնից: Միայն Ատրպատականի
Միհրդատ թագաւորը, որ Տիգրանի փեսան էր, մօտ
50000 օգնական զօրք էր տալիս: Խորենացին չի-
շում է միայն պոնտացոց թագաւոր հռչակաւոր
Միհրդատին իբրև Տիգրանի նիդակակից հռոմայե-
ցոց դէմ, որին և համարում է Տիգրանի փեսա:

Այսպէս բարձրացած հայն ու հայաստանը իրենց
սիրելի թագաւորի մէջ մարմնացրին իրենց ազգա-
յին հպարտութիւնը և Տիգրանը բնականաբար
դարձաւ ժողովրդական երգիչների փառաբանած
հերոսը:

Տիգրանի որդին ու յաջորդ Արտաւազդ Ա. թոյլ
մէկը լինելով, կորցնում է հօրը ձեռք բերած փառքն
ու ընկնում է հռոմայեցի զօրավար Անտոնիոսի
ձեռքը: Սա գլխատում է Արտաւազդին, գլուխն էլ
նւէր է ուղարկում Մեծ Մարաց Արտաբազ թա-
գաւորին, որ թշնամի էր հայոց:

Պարթևների մօտ ապաստանած Արտաշէս ար-
քայորդին պարթևական զօրքով զալիս է հայաս-
տան և հալածելով բռնակալներին՝ հայրենի գահն է
բարձրանում: Սակայն այդ էլ երկար չի տևում և
հայաստանը դարձեալ օտար իշխողների ձեռքը խա-
ղալի է դառնում մինչև մեր թլակահանութեան Ա.
դարը. այդ ժամանակ պարթևաց Վաղարշ (Վոյո-
գոգէս Ա.) տիրում է հայաստանին, իւր Տրդատ եղ-
բօրը հայոց թագաւոր է կարգում. հռոմայեցոց
հետն էլ հաշտութիւն կայացնելով՝ Տրդատը հռոմ է

գնում ու ներոն կայսրից հանդիսաւորապէս թա-
գաւոր պսակւում 66 թւին Քրիստոսից յետո:

Տրդատ Ա. մեծ քաջութեան գործեր է անում
Պարսկաստան ու հայաստան արշաւող ալանների
դէմ, 72 թւին Քրիստոսից յետո: Այդ կուում թրշ-
նամիները պարան ձգելով՝ Տրդատի կեանքը վտան-
գի էին ենթարկել. սակայն հայոց թագաւորը պա-
րանը կտրելով ազատւում է:

135 թւին, ալանների երկրորդ արշաւանքին
դիմադրողն՝ ըստ հայ պատմագրութեան, Արտաշէս
Բ.ն է, որ պարթևաց օգնութեամբ տիրանում է
իր հայրենի գահին: Սա չաղթում է ալաններին,
նրանց արքայադուստր Սաթինիկին կնութեան է
առնում և հաշտութիւն կայացնում: Այս Արտա-
շէսի որդին է Արտաւազդը, որ հօր անէծքի համա-
ծայն, որսի եղած ժամանակ գլորւում է մի խոր
վի մէջ ու մնում է այնտեղ:

Այսբան մէկ միւսից հեռաւոր ժամանակներում
ապրած անձնաւորութիւնների շուրջը պտտած ա-
ռասպելների ու ժողովրդական երգերի անմիջապէս
իրար կից դրւած լինելուցը՝ ոմանք եզրակացրին
հայոց վէպի ընդարձակութիւնը: Սակայն ի նկատի
պիտի ունենանք որ պատմագրութիւնը մեղանում
ե, դարից առաջ չէ սկսում. իսկ ժողովրդական եր-
գիչն ու զրուցաբանը ժամանակագրական կարգ
պահպանել չը զիտեն: Նոքա շարայարում են իրենց
երգերն ու առասպելները անունների ու պատա-
հարների նմանութեան վրա հիմնւելով. նոյնիսկ շատ
անգամ իրենց սիրելի կամ ասելի հերոսին՝ մի սի-

րելի կամ առելի—արդէն ժողովրդականացած, անուն են տալիս: Եւ այսպէս մի երգի մէջ երևան են զալիս զանազան նոյնանուն անձնաւորութիւններ և տարբեր հերոսների մասին պատմուած են նման պատահարներ:

Արտաշէսի վէպի և Արտաւազդի երգի մէջ յիշուած է Արտաշատ քաղաքը, որի շինութիւնը Խորենացին վերադրուած է Արտաշէս Բ-ին: Բայց արտաքին աւելի հաւաստի աղբիւրներից յատնի է, որ այդ քաղաքը հիմնարկել է Արտաշէս Ա. Քրիստոսից 180 տարի առաջ. երկրորդ անգամ նորոգել ու շէնացրել է Տրդատ Ա. Հռոմից իրեն հետ բերած ճարտարապետների ձեռքով:

Յիշեցինք նոյնպէս որ ալանների առաջին արշաւանքն եղել է Տրդատ Ա.ի օրով. իսկ երկրորդ արշաւանքի ժամանակ, 135 թւին, Արտաշէս Բ-ն, ըստ Խորենացու, արդէն վախճանւել էր, 127-ին: Բայց Արտաշէս անունը ժողովրդական ու սիրելի է եղել հայերին. այդ կարելի է եզրակացնել Տակիտոսի աւանդած հետեւեալ փաստից, թէ հռոմայեցիների ձեռքով հայոց թագաւոր կարգւած Չենոնը՝ պոնտացոց արքայորդին, Արտաշէս անւանեց, որովհետեւ նա սիրելի դարձաւ ժողովրդին: Այս դէպքուած հասկանալի կը լինի ժողովրդական երգչի վարժուեցրը, այն է՝ Արտաշէս անւան տակ գովել իր սիրած հերոս թագաւորներին, ի մի ձուլելով նրանց կատարած նման գործերը: Եւ ահա ազգի սիրելի հերոս Արտաշէսի վրա հիւսւած վիպասանքի, ժողովրդական երգի մէջ նրան վերագրւած ու-

րիշ հերոսների գործեր: Արտաշէս հալածուած է բռնակալներին հայաստանից, փառաւոր և անկախ բնիկ թագաւորութիւն հիմնելով: Արտաշէս հիմնուած է զեղեցիկ Արտաշատ քաղաքը, որ այն ժամանակւան հայոց քաղաքական և կուլտուրական կեանքի կեդրոնն էր: Վերջապէս Արտաշէսը կուռուծ է Ալանաց դէմ, մեծ քաջութիւններ է անուծ ու վերջն էլ Սաթենիկին կին առնելով՝ հաշտուած է:

Տիգրան—Արտաշէսի, վիշապազուհիների մայր Անուշի, Սաթենիկ տիկնոջ դէպի վիշապազուհիներն ունեցած սիրային յարաբերութեան և Արտաւազդի մասին առասպելներն ու երգերը մի ներքին կապով միացած են Տիգրանի որդին համարւած Վահագնի անձնաւորութեան հետ, որի ծննդեան նկարագրութիւնն է հետեւեալ, պատկառելի հնութեան հետքը կրող և զեղեցիկ հայ ժողովրդական երգերից մէկը.

Երկնէր երկին և երկիր

Երկնէր և ծիրանի ծով.

Երկրն ի ծովուն ունէր

Եւ ըզկարմրիկ եղէգնիկն:

Ընդ եղեգան փողը ծուխ ելանէր,

Ընդ եղեգան փողը բոց ելանէր,

Եւ ի բոցոյն պատանեկիկ վազէր:

Նա հուր հեր ունէր, բոց ունէր մօրուս,

Եւ աչքունքն էին արեգակունք:

Խոր. Ա. ԼԱ.

Երկունքի մէջ էին երկինքն ու երկիրը. երկունքի մէջ էր և ծիրանի ծովը. երկունքի մէջ էր ծո-

վում նաև կարծրիկ եղեգնիկը: Եղեգնի փողից ծուխ էր բարձրանում, եղեգնի փողից բոց էր բարձրանում, և բոցի միջից պատանեակ դուրս թռչում: Հրեղէն մազեր ունէր նա, բոցեղէն մերուք ունէր, և աչքերն էին գոյգ արեգակներ:

Խորենացին իր ականջովը լսել է սորա բամբուռի նւագածութեամբ երգելը, և միայն երգի շարունակութեան բովանդակութիւնն է տալիս: «Յետո այդ երգի մէջ ասում էին, թէ նա կուել է վիշապների հետ և յաղթել է, ու հերակլի քաջագործութիւններին շատ նման գործեր էին երգում նրա մասին: Այլ և ասում էին թէ Վահագնը աստուածացի է, և թէ վրաց աշխարհում նրա պատկերը կանդնացրած էին ու պատուում էին զոհերով»:

Վահագնի անձնաւորութեան աստուածային ծագում ունենալը վաղուց յայտնի է: Մի աւանդութիւն կա, որ իբր թէ Վահագնը ասորոց թագաւոր Բարշամից (արևի որդուց) յարդ գողանալով փոխել է: Ճանապարհին այդ յարդից մի մասը թափւել է երկնքում, որից էլ զոյացել է Յարդգող համաստեղութիւնը: Ոմանք Վահագնին համարեցին ինքն՝ արև-աստուածը. միւսները՝ քաջութեան աստուածը: Սակայն բանասէրները ակներև դարձրին Վահագն անւան պարսից Վերեթրագնա կամ Վրրտրագնան—ամպրոպային կայծակի աստծու հետ ունեցած նմանութիւնը: Այդ անունն իբրև ածական տրւած է եղել ինդրային, և նշանակում է վիշապահան, վիշապաքաղ, այսինքն վիշապ խեղճող, քաղհան անող, և կամ ամպերը հալածող:

Ամպրոպի, փոթորկի և քամու, ամպերի, անձրևելու և կայծակի օդերևոյթը, իր լաւ ու վատ հետեանքներովը, բնութեան դաղտնիքներին անտեղեակ նախամարդու վառ երևակայութիւնը կը զբրդուէին անշուշտ և այն մի աստուածային երևոյթ, նրա աննպաստ ու բարերար հետեանքը չար ու բարի ոգիների արդիւնքը պիտի համարէր, որոնք շարունակ կուուում էին և իհարկէ, յաղթողը միշտ բարին է լինում:

Այս օդերևոյթի բարի ոգու՝ կայծակի անձնաւորումն է մեր Վահագնը: Նրա ծնունդը կայծակի առաջանալու պատկերն է, երբ կարծես երկինքն ու երկիրը իրար են խառնւում և եղեգնի—սուրբ կրակ արտադրելու փայտի միջից դուրս է թռչում հրեղէն, արեգակնաչեւ, արևանման, բոց միրուքով, կրակէ մազերով խարտեալ պատանեակը, որ ծնւելուն պէս վազում է վիշապի կամ ամպի դէմ կրուելու:

Վիշապը նոյն օդերևոյթի չար ոգու անձնաւորումն է. նա տեսանելի է դառնում ամպերի, փոթորկի, պտուտահողմի, կամ «սատանի քամու», «յուշապի» կերպարանքով, որ երկրի վրա վնասում է մարդկանց, երկնքում ամպերով կապում է երկնային «ճիրանի ծովի» դռները, որ անձրև չգա: Նա ամպերով ծածկում է երկինքը, որ մարդիկ տրևի «լոյս երեսը» չտեսնեն, և նոյխակ աշխատում է յափշտակել երբեմն մանկամարդ աղջիկ երևակալած արեգակը, որով մարդկանց կեանքին էլ վսխեան տրւի:

Բայց բարի ոգին չաղթում է չարին, նրան կապում կաշկանդում է երկաթէ շղթաներով ու բանտարկում է: Կապւած ոգին կրծում է իր շղթաները, որ ազատւի և աշխարհին վերջ տա, ինչպէս որ մեր առասպելի մէջ Արտաւազդը: «Սրա մասին պառաւներն էլ պատմում են, թէ նա բանտարկւած է մի այրի մէջ, երկաթէ շղթաներով կապւած, և թէ երկու շուն կրծում են նրա շղթաները. նա աշխատում է դուրս գալ ու վերջ տալ աշխարհին. բայց դարբինների մուրճ խփելու ձայնից զօրանում են, ասում են, նրա կապանքները: Սրա համար նոյնիսկ մեր (Խորենացու) ժամանակում, դարբիններից շատերը, առասպելին հետևելով, կիրակի օրը երեք կամ չորս անգամ մուրճը խփում են սային, որ զօրանան, ասում են, Արտաւազդի շղթաները»: Մինչև այսօր էլ Հայաստանում շատ տեղ պահել են այդ սովորութիւնը. բայց հաւանօրէն սկզբնապէս ոչ թէ մուրճերի ձայնն է, որ ունեցել է շղթաներն ամրացնելու զօրութիւն, այլ պինդ հարւածից առաջացած կայծակը, կայծակ-աստծու նշանակը:

Վահագն՝ ըստ մեր պատմագրութեան, Տիգրան Ա.ի որդին է. իսկ Արտաւազդը՝ Արտաշէս Բ.ի, իրարից մի քանի դար հեռու ժամանակներում ապրած մարդիկ: Սակայն վերոյիշեալներից հետևում է որ Վահագն ու Արտաւազդը միևնոյն օրերևոյթի չար ու բարի ոգիների անձնաւորումներն են, միասին են ծնւած, եղբայրներ են, ու աստուածային ծագումն ունին: Վահագնի երգն արդէն ըստինքեան ապացուցանում է, թէ նա յօրինւել է մի այնպիսի

ժամանակ, երբ հայերը դեռ երկիրն ու երկիրը աստուածութիւն ընդունելով՝ արու և էգ սեռերի էին բաժանուած նրանց և օրգեծնութեան ընդունակ համարում:

Առասպելի մէջ արեւ-երկնքին փոխարինել է Տիգրան—Արտաշէսը, մայր-երկրին փոխարինել է նախ Սնոյշ՝ Աժդահակին կինը, որին զերի է վերցնում Տիգրանը և հաւանօրէն իրեն հարճ դարձնում. ապա՝ Սաթինիկ տիկինը, որ տարփանք է զգում դէպի վիշապազունները, որոնք նրա Արտաւազդ որդուն «զողացան և փոխարէնը մի դե գրին»: Գուցէ նոյնպէս և Արտաշէսի Մանդու անունով հարճը, որին նա խլել էր մուրացանների, նոյն վիշապազունների տէր Արգամից:

Այս խնամութիւններովն ու կապակցութիւններովը առասպելի ու երգերի մէջ առաջացած յարաբերութեանց շփոթութիւնը պարզելու և ամփոփ գաղափար տալու համար, աւելորդ չի լինի այստեղ մէջ բերել մի ժողովրդական աւանդութիւն Տէր Յուսկան օրգու մասին:

Ինքը՝ տէր Յուսկիը մի սուրբ և ընտիր մարդու որդի կը լինի: Գործով երկրէ երկիր պատելու ժամանակ հասնում է մի գիւղ և աղբիւրի մօտ մի շատ գեղանի աղջիկ տեսնելով՝ ասում է. քոյր իմ, մի բաժակ ջուր կուտաս որ օտարականը խմէ ու անցնէ: Եղբայր իմ, պատասխանում է աղջիկը, համեցէք, խմեցէք որքան կուզէք:

Ս.միսնէր ու տարիներ անցնելուց յետո այդ աղ-

չիկն իր ծնողների հետ փախչում է իրենց զիւղն աւերող պարսիկների ձեռքից և պատահմամբ կ'ընկնեն տէր Յուսկան գիւղը: Աղջիկն այժմ շատ աւելի գեղեցկացել էր, տասնուհինգ օրւան լուսնակի էր նմանում: Երիտասարդ Յուսիկը հաւանում է նրան ու ամուսնանում է հետը: Առաջաստի զիշեր Յուսիկն ասում է կնոջը.—կը տեսնեմ որ քեզնից քրոջ հոտ կուգա.—ես էլ քեզնից եղբօր հոտ կ'առնեմ, պատասխանում է կինը: Հարցուփորձով իմանում ու մտաբերում են, թէ իրենք աղբիւրի մօտ քոյր ու եղբայր դարձածներն են. ուստի կ'ուխտեն, որ միշտ էլ այդպէս մնան, առանց մեղաց պտուղը ճաշակելու. բայց ուրիշների մօտ մարդ ու կին համարւին, որովհետև պսակի սուրբ խորհրդով իրար հետ միացած են:

Տարիներից չետո տէր Յուսկան զիւղն էլ աւարի ու կրակի ճարակ կը դառնա ու երեցկիինն էլ գերի կը տարւի: Գերեվար պարսիկ խանը հրապուրւում է տիրուհու գեղեցկութեամբ և տանում է իր հարեմը: Սակայն արդար տէր Յուսկան աղօթքով խանը հիւանդանում է ու մեռնում: Խանի ժառանգը վախենում է, թէ մի գուցէ տիրուհուն պահելով ինքն էլ խանի վրեակին արժանանա, տիրուհուն ծախում է Բիբի անուկով մի անառակ կնոջ, որը հայ էր կամ մի ուրիշ ազգից քրիստոնեա: Երեցկիինը յայտնում է Բիբիին, թէ ինքը 35 տարի է որ ամուսնացել է, բայց իր մարդու հետ քոյր ու եղբայր են, մեղաց պտուղը չեն ճաշակել: Խնդրում է որ իրեն անարգ կեանքի չը մատնէ, փոխարէնը

խոստանում է իր ձեռների աշխատանքովը վաստակել. հաւատացնում է թէ իր տէրը, երբ էլ լինի, կը գա իրեն կը փնտռէ ու կը գտնէ, այն ժամանակ Բիբիին էլ կը վարձատրէ:

Մէկ իրիկուն Բիբին տեսնում է որ մի զծուծ ծերունի ծածուկ խօսում է տիրուհու հետ: Խօսակցութեան միջոցին մէկի բերնէն լոյս կ'ելնէ ու միւսի բերանը կը մտնէ: Բիբին իսկոյն կ'իմանա, որ ծերուկը տիրուհու սուրբ մարդն է, կ'ընկնի նորա ոտքը և իր բազմաթիւ մեղքերին թողութիւն կը խնդրէ: Նաև երգւեցնում է քահանային, որ գոնէ մէկ անգամ իրենց առաջաստը մտնեն, որպէսզի Աստուած իրենց մի տղա տա, տղան քահանա դառնա և առաջին պատարագն իր մեղաց թողութեան համար մատուցանէ: Տէր Յուսիկն ու իր կինը հայաստան վերադառնալով՝ ունենում են մի զաւակ, Ստեփան անուկով: Մի ժամանակ սով ու սաստիկ թանգութիւն է տիրում: Պատանի Ստեփանը մի բեռ ցորեն վերցնելով, կը տանի ջրաղաց, որ ազա ձանապարհին ազքատներ են հանդիպում, որոնց ամեն մէկին մի մի բուռը տալով՝ բեռը դատարկւում է: Ստեփանը պատժւելուց վախենում է ու տուն չի վերադառնում. զնում է անապատները ճգնելու: Երկար փնտռելուց չետո, ծնողները զրտնում են իրենց միևուճար որդուն, բերում են տուն և վարդապետ ձեռնագրել տալիս. պատւիրում են նոյնպէս որ առաջին պատարագը Բիբի մեղաց թողութեան համար անէ:

Պատարագի ժամանակ տէր Յուսկան որդին տես-

նում է սարսափելի արեան ծով, որի մէջ ընկած է լինում Բիբին: Երկար աղաչանք ու պաղատանքից յետո, Աստուծու ողորմութեամբ աշողում է աղատել նրան արեան ծովից և հանել ցամաքը: Այդ անաւոր տեսիլը շատ խոր է ազդում տէր Յուսկան որդու վրա ու նրանից յետո այլևս պատարազ չի անում: Այդ միակ պատարազը ծառայում է ժողովրդի բերնում ինչպէս մի անսուտ երգում:

Այս աւանդութիւնը, չը նայած քրիստոնէական ուժեղ գունաւորմանը, չիշեցնում է Տիգրանի առասպելը, չնչին տարբերութիւններով:

Այստեղ արդար ու սուրբ քահանա տէր Յուսիկը փոխարինել է արի և քաջ Տիգրանին, Տիգրանուհու փոխարէն՝ տիրուհին, որ կնութեան է տարւում Պարսկաստան, — առասպելի Մարաստանը: Տէր Յուսիկն աղօթում է, իսկ Տիգրանը պատերազմում է ու յաղթում: Հայազգի Բիբին Պարսկաստանում, (մարերի, վիշապների հետ) պիղծ յարաբերութեան մէջ է լինում. իսկ Անուշը հայաստան է բերւում և նրանից ոստանիկ սերունդ առաջանում: Տէրտէրն ու տիրուհին քոյր ու եղբայր են, ինչպէս որ Տիգրանն ու Տիգրանուհին: Ստեփանը սուրբ վարդապետ է ձեռնադրւում և անդրանիկ պատարազի ժամանակ, արեան ծովի միջից փրկում է Բիբին և նրան ցամաքը հանում: Տիգրանի որդի Վահագնը աստուածանում է. ծնւելուն պէս վիշապների դէմ կռւելու է զնում և ծիրանի ծովից, երկնային ովկիանոսից անձրև է ցած թափում երկրի վրա:

Խորենացին Արտաշէսի վրա երգածներէից մի քանի հատուած է աւանդել մեզ, և այն յատկապէս հարսանիքի մասին: Արտաշէսը Ալաններին յաղթելով՝ նրանց արքայորդուն էլ զերի է բռնում. սրա քոյրը՝ Սաթենիկը, դուրս գալով ասում է.

Քեզ եմ ասում, քայլ Արտաշէս, որ յաղթեցիր Ալանների քաջ ազգին. եկ լսիր ինձ՝ Ալանների աչազեղ աղջկանս, տուր այդ պատանուն, որովհետև դիւցազունների օրէնք չէ մէկ վրէժի համար ուրիշ ազգերի դիւցազունների կեանքը խլել կամ ծառայեցնել նոցա և ստրուկների կարգում պահել ու այդպէս յաւիտենական թշնամութիւն պահել երկու քաջ ազգերի մէջ:

Արտաշէսը հաւանում է օրիորդի իմաստութեանն ու զեղեցկութեանը և ուզում է նրան կնութեան առնել: Սակայն օրիորդի հայրը մեծ զլխագին է պահանջում, ասելով—

Ո՞րտեղից պիտի տա քաջն Արտաշէսը հարսներից հազարներ և բիւրերից բիւրեր Սլանաց այս ազնւատոհմ կոյս օրիորդի փոխարէն: Արտաշէսը որոշում է փախցնել նրան.

Հեծաւ արի արքայն ի սեւաւն զեղեցիկ.
Եւ հանեալ զոսկէօղ շիկափոկ պարանն,
Եւ անցեալ որպէս զարծուի սրաթև ընդ դետն,
Եւ ձգեալ ոսկէօղ շիկափոկ պարանն,
Ընկեց ի մէջք օրիորդին Ալանաց.
Եւ շատ ցաւեցոյց զմէջք փափուկ օրիորդին,
Արագ հասուցանելով ի բանակն իւր:

Քաջ թագաւորը հեծաւ իր գեղեցիկ սև ձին և հանեց ոսկէ օղով կարմիր կաշէ պարանր, ձգեց Ալանների օրիորդի մէջքին և շատ ցաւեցրեց փափուկ օրիորդի մէջքը, շտապով նրան իր բանակը հասցնելով:

Հարսանիքի հանդէսը կատարուեմ է փառաւոր կերպով, թագաւորների և մեծամեծների սովորութեան համեմատ.

Տեղ ոսկի տեղայր ի փեսայութեանն Արտաշիսի.

Տեղայր մարգարիտ ի հարսնութեան Սաթինկանն:

Ոսկի անձրև էր տեղում Արտաշէսի փեսայութեան ժամանակ, մարգարիտ էր անձրևում Սաթինկի հարսնութեան ժամանակ:

Խոր. Բ. Ծ.

Բացի դրանցից, Թ. դարի մատենագիր Գրիգոր Մագիստրոսը, «գուեհիկների» բերանից լսած հետևեալ երգը գրի է առել, հաւանօրէն նրա գեղեցկութիւնից գրաւելով: Արտաշէսն իր մահուան ժամանակ ասում է.

Ու տայր ինձ զժուխ ծխանի

Եւ զառաւօտն նաւասարդի.

Զվազելն եղանց

Եւ զվազելն եղջերուաց.

Մեք փող հարուաք

Եւ թմբկի հարկանէաք,

Որպէս օրէն է թագաւորաց:

Ով կը տա ինձ ծխանի ծուխը և նաւասարդի առաւօտը. եղնիկների վազելն ու եղջերուների վազելը, մենք փող էինք փչում և թմբուկ զարնում, ինչպէս որ թագաւորների սովորութիւն էր: Բա-

նասէրների կարծիքով՝ բանաստեղծի այդ խօսքերը յարմարուեմ են ժողովրդի սիրելի Զենոն-Արտաշէս Գ.ին, որ ազգային սովորութիւններին հաւատարիմ մնաց և տօները մեծ հանդէսներով էր կատարում:

Արտաշէսի հօր՝ Սանատրուկ թագաւորի մասին «առասպել են պատմում, թէ աստուածներից ուղարկւած մի նորահրաշ սպիտակ կենդանի պահում էր մանուկին», Սանատրուկին, երբ սա իր մօր գիրկն եղած ժամանակ մի անգամ բուքի բռնեց և երեք օր ու երեք գիշեր բուքի տակ մնաց:

Սանատրուկի գահը յափշտակող ու ապօրինի կերպով թագաւորող Երուանդի մասին «զրոյցներն այսպէս են. մի վաւաշոտ կին, Արշակունի ազգից, խոշոր մարմնով և անձև երեսով, որին ոչ ոք սիրտ չէր անում կին առնելու, անկարգ խառնակութիւնից երկու մանուկ ծնեց... նոցա անունը դրին Երուանդ և Երւազ... Երուանդի մասին ասում են թէ, հմայուած լինելով՝ վատ աչք ունէր. ուստի երբ լուսանում էր, արքունի սպասաւորները սովորութիւն ունէին պինդ քարեր բռնել Երուանդի առաջ, որի հայացքի չարութիւնից քարերը հեղքուեմ էին»:

Բանաստեղծի և ոչ պատմագրի խօսքեր են անշուշտ Երուանդի շինած Երուանդակերտ գեղեցիկ դաստակերտի նկարագրութիւնը.

Որովհետև մեծ հովտի միջոցը մարդկանցով և շինութիւններով լցրեց, որոնք փայլում էին ինչպէս աչքի բիբը. իսկ մարդկանց բնակութեան շուրջը ծաղկոցներ և բուրաստաններ

շինեց, ինչպէս որ բբի շուրջ աչբի բոլորակն է. իսկ այգիների բազմութիւնը կարծես կուպերի խիտ և գեղեցիկ դիժն էր և նորա հիւսիսային կողմի կամարածն զիրքը արդարև գեղեցիկ կոյսերի բարձր յօնքերին էր նմանում: Իսկ հարաւի կողմից տարածւում են տափարակ դաշտեր, գեղեցիկ ողորկ ծնօտների նման, և բերանի պէս բացւած գետը, իր ափերի բարձրութիւններովը երկու բացւած շրթունքի է նմանում: Եւ այսպէս գեղեցիկ դիրքը կարծես հայեացքն անշարժ յառած ունի դէպի բարձր թագաւորանիստ քաղաքը: Արդարև պտղաբեր և թագաւորավայել էր այն դաստակերտը:

Երուանդը Սանատրուկի արքայական ընտանիքը սրի քաշելով՝ թագաւորում է: Այս սրածուծիւնից ազատւում է միայն Արտաշէս արքայօրդին, իր դայեակ Սմբատ Բագրատունի ասպետի ձեռքով: Սրա մասին պատմւած «առասպելն արդարև ամենեին հեռու չէ ճշմարտութիւնից»:

Իր քաջութեան համեմատ էլ մեծ անդամներ ունէր նա և ամեն տեսակ առաքինութիւնների հետամուտ էր. նա զարդարւած էր գեղեցիկ ալեոր մազերով, և աչքերում փոքր արիւնի երակներ ունէր, ինչպէս այդ պատահում է ոսկու վրա և մարգարտի մէջ. արագաշարժ մարմին և անձն ունենալով, զգուշ էր ամեն բանում և յաշողակ էր պատերազմի մէջ, աւելի՛ քան ուրիշ որևէ մէկը:

Մեր հին ժողովրդական բանահիւսութեան մէկ փշուրն է նաև Վաղարշապատի շինութեան վերաբերեալ հետևեալ կտորը.

Հատուած զնացեալ Վարդգէս մանուկն

Ի Տուհաց գաւառէն, ըզՔասաղ գետով,

Եկեալ նստեալ ըզՆրէշ բլրով,

ՁԱրտիմետ քաղաքաւ, ըզՔասաղ գետով,

Կռել կոփել զգուռն Երուանդայ արքային:

Բաժանւելով զնաց Վարդգէս մանուկը Տուհաց գաւառից՝ Քասաղ գետի մօտ, եկաւ նստեց Նրէշ բլրի մօտ, Արտիմետ քաղաքի, Քասաղ գետի մօտ, Երւանդ թագաւորի դուռը կռել կոփելու:

Հայոց հին Արտիմետ քաղաքի մօտ կամ հէնց նրա աւերակների վրա շինուած է եղել, հռոմայեցիների ձեռքով, մի քաղաք՝ Նոր-քաղաք անուանով, որ յետո Վաղարշ թագաւորը Բ. դարի վերջում նորոգելով՝ Վաղարշապատ է անուանում նրան. ըստ առասպելին՝ հնումը նա Վարդգէսի աւան է կոչւել: Այս Վարդգէսը Երւանդի քեռայրն է համարւում, որը երևում է նոյնպէս երգիցը. որովհետև «կռել կոփել զգուռն» մինչև այժմ էլ մեր ժողովրդական լեզուով նշանակում է աղջիկ կնութեան ուղել:

Խորենացին յիշատակում է նաև մի «առասպելների առասպել» Տորք Անդեղի մասին, որ մի դիցաբանական անձնաւորութիւն է: Անդեղի տուն, որ հին Հայաստանի մի գաւառն էր փոքր Աօխայում, յոյն մատենագիրները անուանում են Ինդելինէ: Հայաստանում այդ անուանով մի նախարարութիւն

է եղել, որ ըստ առասպելին, ծագել է «Նայկակի թոռ ոմն Պասքամից»:

Խոժոռ դէմքով, բարձր, կոպիտ, տափակաբիթ, խոր աչքերով, դժնեա հայացքով մէկն էր Տորքը. նրա մասին երգում էին, իբր թէ նա ձեռներովը կարծր պինդ քարեր էր բռնում, որտեղ ոչինչ պատառած բան չը կար և ճեղքում է մեծ և փոքր, ինչպէս կամենում էր, և եղունգներով քերում էր, տախտակի նման էր դարձնում, և նոյնպէս եղունգներով արծիւներ և ուրիշ այդպիսի բաներ էր փորագրում: Պոնտոս ծովի ափին հանդիպել է նա թշնամիների նաւերին և յարձակել նոցա վրա և երբ նաւերը ութ ասպարէզ ներս են գնացել ծովի մէջ և Տորք չէ հասել նոցա, առել է, ասում են, բլրի ձևով քարեր և ձգել նրանց ետև և ջրերի պատառումից սակաւ նաւեր չեն ընկղմել և բարձրացած ալիքները մնացած նաւերին քշել են շատ մղոններ: Խոր. Բ. Ը.

Տորքը այսպիսով երևան է գալիս իբրև պատերազմի աստուած: «Բարբարոս մարդիկ» Տորքին աստուածացրել ու պաշտել են:

Նախնի հայոց մտաւոր կեանքը, իբրև բնական հետեանք նրանց եռուն, բազմազան և հարուստ կուլտուրական-քաղաքական կեանքին, անկասկած, աւելի բեղուն եղած պիտի լինի, քան թէ մեր ձեռքը հասած փշրանքներն այդ ցոյց են տալիս:

Երկրի քաղաքականապէս ալեկոծւած և արհա-

ւիրքների ենթարկւած դրութեան պատճառով, գրականութիւնն ու գիրը ոչ-բրիստոնեա հայաստանի հետ իրենց բոլոր հաշիւները փակած հոգեւորականի ու մենակեացի բացառիկ սեփականութիւնը դարձան և փակեցին վանքերի ու մենաստանների նեղ խուցերի մէջ: Բնական էր որ քրիստոնեա քարոզիչ-հոգեւորականը ձգտէր ժողովրդի մտքից արմատախիլ անելու հեթանոսական դրոշմ կրող ամենաչնչին հետքն անգամ, և որը յաջողեց նրանց գրեթէ մեծ մասամբ: Եթէ չը լինէր մի Խորենացի և—չը նայած իրեն՝ Խորենացու մեծ արհամարանքին և նոյն իսկ զգւանքին—հոգեւորական լինելով հանդերձ՝ չը յարգէր իր մեկենասի շերմ փափաղը, այն է՝ ունենալ մի հայոց պատմութիւն և նրա մէջ յիշատակւած տեսնել մեր հին վէպերը, առասպելներն ու երգերը, այն ժամանակ այս հատուկտորներն ևս չէինք ունենա, որոնք այժմ մեր պարծանքի առարկան են:

Իրենց ձեռովը և անձնաւորութիւնների նկարագրութիւններովը մեր հին երգերը չիշեցնում են հոմերական քերթւածները, իսկ նրանց բանաստեղծական արտայայտութեան եղանակը, վառ գունաւորումները, պատկերացումները շատ նման են Վեդայի երգերին, այն առաւելութեամբ որ շնորհիւ հայերէն լեզուի շեշտադրութեան օրէնքին, աւելի աշխուժ ու սահուն են:

Երգերի ու առասպելների մէջ յիշւած անցքերը կատարել են գրեթէ բացառաբար միջին, հարաւային և հարաւ-արեւելեան հայաստանում—Սրարատ-

եան դաշտը, «քաշերի» բնակավայր Սղատն Մասիսով, Վանա լճի հիւսիս-արեւելեան, արեւելեան և հարաւային ափերը, Վասպուրականի Գողթն դաւառով, որ Հայաստանի Պառնասն է եղել, և որտեղի երզնիների խօսքերը Խորենացին մի քանի դէպքում մէջ է բերուած:

Նկատելի է որ հարաւային կողմերի հետ կապւած վէպերն ու առասպելները սեմական ցեղերի ազդեցութիւնն են կրել և կամ զուցէ միւսնոյն հիմնական տարրերն են պարունակել իրենց մէջ, միւսնոյն աղբիւրից են բղխել, մեր նախահայրերի մի թույլ չիշողութիւնն իրենց մէջ պահելով: Մինչդեռ արեւելեան կողմերի հետ կապւածներն անկասկած արիական ծագում ունին և մեծ նմանութիւն ունին ուրիշ արիական ազգերի առասպելների հետ:

Սակայն չը նայած Հայաստանի ցեղական տարբերութեանը, մանաւանդ երկրի բնական զիրքի բերմամբ բաժան բաժան եղած ազգաբնակչութեան, և ամենահին ժամանակներից ի վեր մեր երկրի զլխով անցած արհաւիրքներին, ժողովրդի զիտակցութեան մէջ պահպանւել է միութիւն, մի ամբողջութիւն կազմելու գաղափարը և ամեն յարմար առիթով արտացոլում է այն բուն հայրենասիրական ոգին, որով ներշնչւած է մեր նախնեաց իւրաքանչիւր խօսքը:



գալ է 3, մեծարժէք փոխ. մեծարժէք
է 32, 3ովից " ծովից.

« Ազգային գրադարան



NL0371537

